



DEO OPTIMO MAXIMO
UNI ET TRINO,

VIRGINI DEI-PARÆ, ET S. LUCE;

Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS

*manè discutienda in Scholis Medicorum, die Jovis decimâ-tertiâ
mensis Martii, annq̃ Domini M. DCC. LXXVII.*

M. HUGONE GAUTHIER, Confil'ario Regis Medico, M. JOSEPHIDE
JUSSIËU, Regiæ Scientiarum Academiæ Socii, vices gerente Doctore Medico,
Præside.

An Magnatibus Rhedula niveo-tractoria? (gallicè Traîneau.)

I.

NON semper in umbrâ mortis sedet Medicina, non semper in extis cadaverum ægris
oracula quæritat, aut ejulatus, funera & mortes à naturâ devicta complorat, agitve
triumphos; cum viventibus vivere & mortalibus voluptatum modos & doses amicâ manu
pensitare amat, ne incautos pessumdet empta dolore voluptas. Divinæ munus artis stanti-
bus providere ne cadant, non tantum lapsos erigere. Hinc latissimum & constans per hygia-
sticas leges Medicinæ beneficium, spatium vitæ totum complexum conditionesque ad omnes
prospiciens. Qualis Ulyssî Minerva, assistit homini comes indivisa, prophylacticam in hisq̃

tenebris vitæ facem attollens hygieine. Nondum in auras vitales excluso foetui consulit; iusto parentibus regimine; mox vagientem in cunis, ferocientem in adolescentiâ, maturefcentem in ætate virili, labascentem in senectute, educat, moderatur, firmat, ducit ad longævitatem. Nec unica sanos dirigentis Medicinæ disciplina. Modò vegetioris ultra modum sanitatis donis abutentes revocare ad moderationem; modò diffidentibus ob minùs firmam valetudinem & omnia tuta timentibus animos addere, jubere ut audeant, ut ausis assurgant, vel si qui sint, quæ rarior felicitas, *temperati ad justitiam*, statùs optimi diuturnitatem vindicare, prohibendo potiùs quam præcipiendo, & utrimque ne aberrent coercere, satagit. Verbo dicam, ut parta tueri satius & facilius quam amissa rescire, ita, nec absumili modo, cæteris Medicinæ partibus præcellit Hygieine, quæ mortalibus sanitatem adstruit, fidejubeat & perennat, sanitatem, quâ vigente *pulchrior it dies, & soles melius nitent*, quâ pestumdatâ vivere damnum est. Ex præstantissimis autem quas ad salubriorem vitæ peragrationem tradit regulas Hygieine, palmam cæteris præripit exercitium modo convenienti institutum; cujus quidem singulæ singularem speciem suppeditant anni tempestates, ut sunt vere redivivq rusticationes, natatio furente sîrio, venatio autumnali tempore. Nec sua deficit hyemi oblectatio, ab ipsâmet gelu sævitie, *Rhedula niveo-Tracloria* artificio deducta.

Duo potissimum insunt in hoc exercitationis genere commoda, quòd sub dio fiat, citissimo impetu & vigente aeris elasticitate summâ, & quòd Magnatibus specialiter competat, multa aliundè circa hygieinem peccantibus.

I I.

DUM per motum vehementiorem inclementiæ frigoris obnuitur agitata industria, durissimam intemperiem in exercitiû formam & commodum vertere calluit, atroxque gelu ludis hyemalibus famulari voluit & scenam ipsis compingere. Ità pol volupe est, vel super frænatas glacie fluviorum undas, præteritis plantis turbinatim abreptos mirari, vel in obduratâ nive prosequi curruum nivalium pompalem turmam & æmulas fugas. Paucis itaque juvat ludos exponere.

Plebeiis addictus prior exiguo sumptu luditur. Sufficiunt scilicet connexæ pedibus soleæ obtusâ novaculâ & ab anticâ parte reflexâ subter armatæ, quæ gressus dirigant, ludentem que abripiant in impetum solerti moderandum æquilibrio.

Si vacat placetque diversas ludi formas ex littore prospicere, totum ludentium agmen prius intuere, ut aeterno motu fluctuatim convulsam ferveat; sût per indeprentos & irremediabiles tot mæandrorum errores misceatur volubile; ut in fugitivos sequaces successu rapido ruant: mox, ubi rarior turba, selige tibi athletam egregium, spectandum oculis usque sequacibus. Aspice nunquam suû similem, modò per inflexos gyros inceptum iter doctum fallere, modò pronâ pedis alterius pernicitate pendulum, dexteras sinistrasve impetere & disturbare imbelles; aut etiam acquisitæ velocitatis ingenio placidè obsequiosum, ut ales æqualibus librata pennis, recollecto plantarum remigio, præterlabi nullo motu & artis quasi immemorem. Ecquid jam sibi vult? victor abit, longumque vale simulans, spernit plausus fugiente ferro! jam evanuit ocyor ventis, moxque adest improvisus nova prodens artis miracula.

Ecce autem insonuit tuba! quòd vocant clamores & musici concentus? Accipe festivum cursus prænuntium; properemus, obiterque spectaculi voluptatem præcipe narrandis auscultans.

Quæ in regionibus hyperboræis vîstui quæritando & venationi Lapponibus utile negotium *Rhedula niveo-tracloria*, eadem in Moscoviâ & Germaniâ ludos solemnes, ad magnificentiæ publicæ pompam apparatus constituit. Nimirum cum satis terris nivis atque dirî gelu stravit hyemis sævitia, dies indicitur, spargitur rumor per civitatem, fit concursus & expectatio.

Rhedula, cymbæ formam æmulata, duplici & eodem quo *solea*, ferro superstruitur, bifidâ

carinâ marmoreum per æquor equis abripienda. Ex adunatim reflexis ferris, prora exurgit aurea, corymbos & festas intertexta lauros. Fœminas nobiliores excipit currus triumphalis, aut exquisito ad delicias vestium apparatu superbientes, aut sub antiquis fabularum commentis larvas ævanidas, stupendâ inter gelidos horrores Asiaticâ pompâ. Hic opportuna datur fingendi copia: tot licet & lubeat formas effingere, quot elegantis & eruditi luxus dabit mythologia, suâq; velocis ingenio præsertim consonas. Finge videlicet magicis artibus abreptam Armidam, aut Thetidis submissa per æquora triumphos, vel reginæ Cleopatæ maritimos fastus, & ceteras hic laudari longiores historicas scenas. Rostro ponè eminenti post-equitat novus Automedon, ipse larvâ concordii fallax, & moderatur habenas & resupinis inter ulnas amoribus jucunda quæque infusurrat.

Currui junctus sonipes, moræ impatiens, solum spiculis ungulam armantibus verberat, mentitasque asurgit in iras, non jam equus, nam & ipsi partes agunt, aut sus horridus, vel atra tigris, squamosusque draco, aut fulvâ cervice læna; tam variâ illudunt species atque ora ferarum, quàm belluarum formas non alit monstrorum ferax tellus Africa. Convenere, viam corripiunt ignipedes, ruunt torrentibus undis effusi currus, anteit jubar immensum, argutos ære canoro modulantur cantus tubæ, litui, classica; harmonico fragori reparabilis affonat echo; tumultuosa devolvitur ludi superbia; grassantur procellosi fastus; millena corruscant nocturnæ facis incendia.

I I I.

CEDANT quæ de ludis olympicis audet Græcia mendax in historiis. Jam æmulo certent ardore strenuam & elegantem cursûs nivalis pompam vates extollere, quibus grandia canere saventes annuerunt Camenæ. At nunquam cecinit divinæ artis Princeps Hippocrates, neque sua carminibus pandit oracula. Talibus exemplis additi medici utili dulce postponunt. Ipsos meditantes detinet conservanda hominum sanitas & hostilis morborum cohors profuganda. Hisce curarum stimulis interdû agitantur, & inceptos abrumpit somnos assidua ægotantium imago recurrens. Quid saluiferi præbeat quodvis exercitiû genus, quid vocivi præcavendum, ponderat, discuit, judicat latrica Curia. Stat coram Senatu Medico judicium expectans Palæstra hyemalis dicata magnatibus. Ipsi salubritatis jura decernunt autoritatum numerus & momentum.

Ea est naturæ lex primaria, ut corpora etiam animata tempestatum vicissitudines subeant; sed eadem artes suadet quibus præsentis tempestatis opportuna percipiatur utilitas. Quod quidem ex prælibatis jam innuit. Homines à naturæ tramite crebrò devios revocat medicina hygiastica. Instituitis exercitiorum discriminibus pro ætatibus, sexu, temperamenti, viribus, præcipuum etiam id commendat ut sint præsentis atmosphæræ conditioni accommodata. Procul hinc igitur ludi umbratiles & incarcerationa in ædibus exercitia. Hisce palma profectò decernenda quæ sub dio fiunt & ab ipsâmet aeris temperie quasi defluunt; ista enim digito veluti indice commonstrat & suadet natura. Valido jam assurgunt argumento *Rhedula niveo-tractoria* commoda. Nec verendum ampliùs ne monitis naturæ oblescant magnates, cum accedat ab omni parte incitamentum. Invitat scilicet annua ludorum celebranda solemnitas, invitant tuba bellicè sonans & musici concentus; vocant populares plausus, inhianteque admiratio. Jam voluptas est formidandam ipsis bellatoribus, duroque maris labores remitti jubentem hyemis sævitiam, conspirantibus animis & communi Marte debellare. Turpe viris foret non audere quod audent fœminei sexus imbelles deliciæ. Omnibus addunt animos debita victoriæ laurea, atque triumphales in *Rhedulis* ambitiosè ornandis recolligendi honores.

Sed ut invaleseat apud medicos *Rhedula niveo-tractoria* utilitas, præcipua quæ imperatur emolumenta corporis oeconomix evolvere in promptu est.

JAM diu neminem medicum fugit quod stimulo frigoris & firmiori aeris elasticitate, quasi balneo frigidae, sopitus excitetur fibrarum tonus; quod vis contractilis vasorum contra fluida infurgat alacrior, & inde liquores interfluentes vividè quassati, subtilius comminuti, expeditiori motu diversos circuitus absolvant; calor etiam adaugeatur internè in visceribus. Ad quid verò trius adagiis fastidiosè insistere, dum peculiariora & exquisita corporibus munera largitur *Rhedula niveo-trafforia* cursus?

Priores quidem partes agit vis illata pulmonibus, irruente densi, elastici, & summè frigidi aeris columnâ. Intratum vividius & uberius aeris volumen, Bronchias, cellulasque pulmonares omnes admodum distendens, spongiosam pulmonum massam ampliat, Malpighii rete vasculosum explicat. Ab expansis interim ostiis perspiratoriis exhalat copiosa & calida excretio, quam brevi abstergit siccus & frigidus aer. Altæ inspirationi succedit valida exspiratio; quod quidem alternis vicibus millies iteratur. Sic, perspirationi cutaneæ & non paucis excretionibus, perspiratio pulmonaris famulatur vicaria; sic etiam agitati pulmones, diversis corporis motibus supplere quodam modo sunt idonei.

Non idè tamen intempestivæ quieti indulgent supposita in infimo ventre viscera. Citior & ampliata libratio septum transversum inter & musculos abdominis anteriores instituta, blandè sed potenter succutit organa in cavo abdominis liberè fluctuantia, Indè sit alacrior erectio in plexibus nerveis ad varia secretionum munera destinatis; indè facilius etiam obsequiosæ excretiones. Glanduloso systemati adduntur stimuli. Succus nutritii proriatur proventus uberior per vasa lactea, chyli receptaculum, canalem Thoracicum. De-fraudatus allatrat ventriculus, debitum sibi rogat vestigal, jacturas ardet refarcire, Sus-pensa etiam in sexu foemineo catamenia erumpunt. Purgatis feliciter uteris, suis viribus pollere datur & fecunditati aptiores evadere. Id insuper boni accedit, quod mollis & placida hinc & indè succussio, quod ludi festivitas & illabens per cuncta sensuum organa animis hilaritas, oblectent amicè genus nervosum, melancholiæ angores, si qui sint, affectiones etiam hystericas discutiat, animos erigat, faciatque experrectiores.

V.

QUID plura? nunc supervacaneum, nauseosum Pharmacorum agmen, Palatum cessent torquere Magnatibus ingrata pocula. Therapeuticâ nihil opus, cum prophylacticâ præcaveantur morbi. Subacta & foras protrusa quæ sanitatem labefactare poterant; omnia prosperè cedunt Magnatum incolumitati, ex quo Galliarum Aula Austriacæ Aulæ feliciter æmula, ludos hyemales celebrare gaudet. Quoties igitur faverit tempestatis asperitas, nobili ac salutiferæ suæ se committat palestræ AUGUSTA, spes & amor Galliarum, REGINA: sic Gallicæ Gentis vota tandem exolvēt optatum Regiæ stirpis incrementum. Se strenuos Athletas exhibeant Principes, Magnates & Aulici; advolet confertim populus, solemnitatis simul & utilitatis particeps. Jam quisque institutionem celebrans iteratos plausus addit plausibus; suffragantur Medici nusquam auspiciatus utile cum jucundo inivisse fœdus; moræ etiam impatiens nostra properat Conclusio;

Ergo Magnatibus Rhedula niveo-Trafforia,

Proponebat Parisiis TUSSANUS-CLAUDIUS-NICOLAUS NAVIER;
Catalaunus, Doctor Medicus Remensis, nec non Saluberrimæ Facultatis Medicinæ
Parisiensis Medicus Baccalaureus, Theos Auditor. A. R. S. H. 1777,
à sextâ ad meridiem.